

Anton Kári Halldórsson,
Skipulags- og byggingarfulltrúi Skaftárhrepps
Klausturvegur 15
880 Kirkjubæjarklaustur



UMHVERFISSTOFNUN

Reykjavík, 14. ágúst 2012
Tilvísun: UST20120500002/ksj

Tillaga að deiliskipulagi svæðis við minningarkapellu Jóns Steingrímssonar á Kirkjubæjarklaustri.

Vísað er til erindis skipulags- og byggingarfulltrúa Skaftárhrepps er barst 2. maí sl. þar sem óskað er umsagnar Umhverfisstofnunar um tillögu að deiliskipulagi fyrir tveggja hektara svæði við minningarkapellu Jóns Steingrímssonar á Kirkjubæjarklaustri. Á svæðinu eru rústir klaustursins að Kirkjubæ og opið svæði til sérstakra nota þar sem er kirkjugarður.

Deiliskipulagssvæðið

Svæðið sem deiliskipulagstillagan nær yfir er í Kirkjubæ í Skaftárhreppi þar sem nunnuklaustur stóð frá 1886 – 1554. Á deiliskipulagssvæðinu hafa staðið yfir fornleifarannsóknir og miðar að því að gera þjóðminjasvæðið aðgengilegt gestum. Deiliskipulagssvæðið er miðsvæðis á Kirkjubæjarklaustri.

Markmið deiliskipulagstillögunnar

Markmið með deiliskipulaginu er eftirfarandi: að útbúa áningarstað með fræðslu um nunnuklaustrið á Kirkjubæjarklaustri, að bæta umhverfi fyrir gesti kapellunnar og ferðamenn, að tryggja aðgengi fyrir alla á skipulagssvæðinu og stuðla að aukinni virðingu fyrir menningarminjum á staðnum. Einnig er markmið að efnisval og form sé í samræmi við umhverfið.

Sýningarsvæði

Áætlað sýningarsvæði er 198 fermetra hola u.þ.b. 1 meter á dýpt og hellulagt svæði umhverfis. Einnig er áætlað að byggja 6 fermetra upplýsingaskýli og skv. tillögunni mun útlit og byggingarefni skýlisins taka mið af byggingarefni klaustursins

Niðurstaða

Umhverfisstofnun hefur farið yfir markmið og skipulagsforsendur fyrir áætlað deiliskipulag.

Á svæðinu eru ekki svæði á náttúrminjaskrá, þar finnast ekki jarðminjar eða vistgerðir er falla undir 37. gr. laga nr. 44/1999 um náttúruvernd.

Umhverfisstofnun gerir ekki athugasemd við tillögu að deiliskipulagi Nunnuklausturs á Kirkjubæ.

Virðingarfyllst

A. Björnsdóttir

Aðalbjörg Birna Guttormsdóttir
Deildarstjóri

Kristín S. Jónsdóttir
Kristín S Jónsdóttir
Sérfræðingur

Skipulagsstofnun